



Broj: 01/1-50-1-1-76/09
Sarajevo, 25.8. 2009. godine

Z A P I S N I K

76. sjednice Ustavnopravne komisije

Sjednica je održana 25. 8. 2009. , s početkom u 10 sati.

Sjednici su prisustvovali članovi Komisije: Šefik Džaferović, Halid Genjac, Adem Huskić, Velimir Jukić, Ekrem Ajanović, Drago Kalabić, Martin Raguž, Lazar Prodanović i Momčilo Novaković.

Osim članova Komisije, sjednici su prisustvovali predstavnici: OHR-a Jelena Despot, USAID-a Nedim Hogić i Christian Haupt, OSCE-a Meagan Hrlle, Pravobranilaštva BiH Medina Vilić, Ministarstva vanjske trgovine i ekonomskih odnosa BiH Mia Salihagić i Milenko Pandurević, Ministarstva pravde BiH Milana Popadić, Agencije za javne nabavke BiH Ćinita Fočo, poslanici Vinko Zorić i Mirjana Malić, Zakonodavno-pravnog sektora PSBiH Alma Salkić-Mijić, Sektora za odnose s javnošću PSBiH Medina Delalić, Komisije za vanjsku trgovinu i carine Emira Češljarić i Sonja Abdulovski.

Sjednici su prisustvovali sekretar Komisije Igor Bajić i stručni savjetnik u Komisiji Nedžad Salman.

Komisija je jednoglasno usvojila sljedeći

D N E V N I R E D

1. Usvajanje Zapisnika 75. sjednice, održane 17. 7. 2009.;
2. Prijedlog amandmana II. na Ustav BiH, predlagača: Klub poslanika SBiH (**ustavni osnov i principi, u skladu s članom 133. stav (1) Poslovnika Doma**);
3. Prijedlog zakona o izmjenama Zakona o akcizama u BiH, predlagač: poslanik Jerko Ivanković Lijanović (**usklađenost sa Ustavom BiH i pravnim sistemom BiH, u skladu s članom 103. Poslovnika Doma**);
4. Prijedlog zakona o slobodnim zonama, predlagač: Vijeće ministara BiH (**usklađenost sa Ustavom BiH i pravnim sistemom BiH, u skladu s članom 103. Poslovnika Doma**);
5. Prijedlog zakona o izmjenama i dopunama Izbornog zakona BiH sa zaključkom Predstavničkog doma sa 58. sjednice, održane 22. 7. 2009., predlagač: Komisija za ostvarivanje ravnopravnosti spolova (**usklađenost sa Ustavom BiH, pravnim sistemom i principi, u skladu s čl. 103. i 104. Poslovnika Doma**);
6. Prijedlog zakona o dopuni Zakona o službenom glasilu BiH, predlagač: poslanik Adem Huskić (**usklađenost sa Ustavom BiH, pravnim sistemom BiH i principi, u skladu s čl. 103. i 104. Poslovnika Doma**);
7. Prijedlog zakona o izmjenama i dopunama Zakona o Pravobranilaštvu BiH, predlagač: Vijeće ministara BiH (**usklađenost sa Ustavom BiH, pravnim sistemom BiH i principi, u skladu s čl. 103. i 104. Poslovnika Doma**);
8. Prijedlog zakona o primjeni Rimskog statuta Međunarodnog krivičnog suda i saradnji s Međunarodnim krivičnim sudom, predlagač: Vijeće ministara BiH (**usklađenost sa Ustavom BiH, pravnim sistemom BiH i principi, u skladu s čl. 103. i 104. Poslovnika Doma**);
9. Prijedlog zakona o izmjenama i dopunama Zakona o Sudu BiH, predlagač: Vijeće ministara BiH (**usklađenost sa Ustavom BiH, pravnim sistemom BiH i principi, u skladu s čl. 103. i 104. Poslovnika Doma**);

10. Prijedlog zakona o izmjenama i dopunama Zakona o Tužilaštvu BiH, predlagač: Vijeće ministara BiH (**usklađenost sa Ustavom BiH, pravnim sistemom BiH i principi, u skladu s čl. 103. i 104. Poslovnika Doma**);
11. Prijedlog zakona o izmjenama i dopunama Zakona o imunitetu BiH, predlagač: Vijeće ministara BiH (**postupak u nadležnoj komisiji u skladu sa članom 110. Poslovnika Doma**);
12. Prijedlog zakona o izmjenama i dopunama Zakona o slobodi pristupa informacijama, predlagači: poslanici Sefer Halilović, Vinko Zorić, Mirko Okolić, Šemsudin Mehmedović, Denis Bećirović, Velimir Jukić i Adem Huskić (**postupak u nadležnoj komisiji u skladu s članom 110. Poslovnika Doma**);
13. Ostala pitanja:
- Zahtjev Ustavnog suda BiH za ocjenom ustavnosti Zakona o zaštiti domaće proizvodnje u okviru Sporazuma CEFTA, broj U-5/09, od 17. 7. 2009. (**razmatranje zahtjeva u skladu s članom 41. stav (1) tačka g) Poslovnika Doma**).

Ad.1. Usvajanje Zapisnika 75. sjednice, održane 17. 7. 2009.

S obzirom da nije bilo rasprave, Komisija je jednoglasno usvojila Zapisnik 74. sjednice.

Ad.2. Prijedlog amandmana II. na Ustav BiH, predlagača: Klub poslanika SBiH (ustavni osnov i principi, u skladu s članom 133. stav (1) Poslovnika Doma)

Predsjedavajući je otvorio raspravu u kojoj je učestvovao član Komisije Ekrem Ajanović.

Nakon rasprave, Komisija je jednoglasno utvrdila da:

- postoji valjan ustavnopravni osnov za donošenje Amandmana II. na Ustav BiH.

Komisija je, sa šest glasova „za“, bez glasova „protiv“ i tri „suzdržana“ glasa, podržala principe Prijedloga amandmana II. na Ustav BiH.

Ad.3. Prijedlog zakona o izmjenama Zakona o akcizama u BiH, predlagač: poslanik Jerko Ivanković Lijanović (usklađenost sa Ustavom BiH i pravnim sistemom BiH, u skladu s članom 103. Poslovnika Doma)

Komisija je, nakon rasprave, jednoglasno utvrdila da:

- postoji valjan ustavnopravni osnov za donošenje ovog zakona;
- je Prijedlog zakona usklađen sa Ustavom BiH i pravnim sistemom BiH.

Ad.4. Prijedlog zakona o slobodnim zonama, predlagač: Vijeće ministara BiH (usklađenost sa Ustavom BiH i pravnim sistemom BiH, u skladu s članom 103. Poslovnika Doma)

Komisija je, nakon rasprave, jednoglasno utvrdila da:

- postoji valjan ustavnopravni osnov za donošenje ovog zakona;
- je Prijedlog zakona usklađen sa Ustavom BiH i pravnim sistemom BiH.

Ad.5. Prijedlog zakona o izmjenama i dopunama Izbornog zakona BiH sa zaključkom Predstavničkog doma sa 58. sjednice, održane 22. 7. 2009., predlagač: Komisija za ostvarivanje ravnopravnosti spolova (usklađenost sa Ustavom BiH, pravnim sistemom i principi, u skladu s čl. 103. i 104. Poslovnika Doma)

Predsjedavajući je otvorio raspravu u kojoj su učestvovali poslanici Mirjana Malić i Vinko Zorić i članovi Komisije: Ekrem Ajanović, Martin Raguž, Momčilo Novaković, Drago Kalabić, Velimir Jukić i Šefik Džaferović.

Komisija je, nakon rasprave, jednoglasno utvrdila da:

- postoji valjan ustavnopravni osnov za donošenje ovog zakona;
- je Prijedlog zakona usklađen sa Ustavom BiH i pravnim sistemom BiH.

Ustavnopravna komisija, s jednim glasom „za“, pet glasova „protiv“ i tri „suzdržana“ glasa, nije podržala principe Prijedloga zakona o izmjenama i dopunama Izbornog zakona BiH.

Sa sedam glasova „za“, dva glasa „protiv“ i bez „suzdržanih“ glasova, u skladu s članom 107. stav (1) Poslovnika Predstavničkog doma, Komisija u obrazloženju negativnog mišljenja o principima predloženog zakona ističe da zatvaranje kandidatskih listi ne može biti metod u borbi za odgovarajuću ili proporcionalnu zastupljenost spolova, jer otvorene izborne liste treba da ostanu kao jedno demokratsko dostignuće izbornog sistema u Bosni i Hercegovini.

Sa osam glasova „za“, bez glasova „protiv“ i jednim „suzdržanim“ glasom, Ustavnopravna komisija utvrdila je da je potrebno ukazati na neodgovarajuću zastupljenost ženskog spola u aktuelnim zakonodavnim organima u Bosni i Hercegovini i predlaže Predstavničkom domu da se ovo pitanje prosljedi interesornoj radnoj grupi za izradu izmjena i dopuna Izbornog zakona BiH kada ona bude formirana.

Član Komisije Martin Raguž tražio je da se njegovo mišljenje izdvoji te da se zapisnički konstatira da je on protiv ovog zaključka jer ga smatra reduciranim u odnosu na kompletnu raspravu o ovoj tački.

Ad.6. Prijedlog zakona o dopuni Zakona o službenom glasilu BiH, predlagač: poslanik Adem Huskić (usklađenost sa Ustavom BiH, pravnim sistemom BiH i principi, u skladu s čl. 103. i 104. Poslovnika Doma)

Komisija je, nakon rasprave, jednoglasno utvrdila da:

- postoji valjan ustavnopravni osnov za donošenje ovog zakona;
- je Prijedlog zakona usklađen sa Ustavom BiH i pravnim sistemom BiH.

Ustavnopravna komisija jednoglasno je podržala principe Prijedloga zakona o dopuni Zakona o službenom glasilu BiH.

Ad.7. Prijedlog zakona o izmjenama i dopunama Zakona o Pravobranilaštvu BiH, predlagač: Vijeće ministara BiH (usklađenost sa Ustavom BiH, pravnim sistemom BiH i principi, u skladu s čl. 103. i 104. Poslovnika Doma)

Predsjedavajući je otvorio raspravu u kojoj su učestvovali: predstavnica Ministarstva pravde BiH Milana Popadić, Pravobranilaštva BiH Medina Vilić, te članovi Komisije: Šefik Džaferović, Momčilo Novaković, Martin Raguž, Drago Kalabić i Halid Genjac.

Komisija je, nakon rasprave, jednoglasno utvrdila da:

- postoji valjan ustavnopravni osnov za donošenje ovog zakona;
- je Prijedlog zakona usklađen sa Ustavom BiH i pravnim sistemom BiH.

Ustavnopravna komisija je, s pet glasova „za“, četiri glasa „protiv“ i bez „suzdržanih“ glasova, podržala principe Prijedloga zakona o izmjenama i dopunama Zakona o Pravobranilaštvu BiH.

Ad.8. Prijedlog zakona o primjeni Rimskog statuta Međunarodnog krivičnog suda i saradnji s Međunarodnim krivičnim sudom, predlagač: Vijeće ministara BiH (usklađenost sa Ustavom BiH, pravnim sistemom BiH i principi, u skladu s čl. 103. i 104. Poslovnika Doma)

Predsjedavajući je otvorio raspravu u kojoj su učestvovali predstavnica Ministarstva pravde BiH Milana Popadić te članovi Komisije Martin Raguž i Drago Kalabić.

Komisija je, nakon rasprave, jednoglasno utvrdila da:

- postoji valjan ustavnopravni osnov za donošenje ovog zakona;
- je Prijedlog zakona usklađen sa Ustavom BiH i pravnim sistemom BiH.

Ustavnopravna komisija je, sa sedam glasova „za“, bez glasova „protiv“ i dva „suzdržana“ glasa, podržala principe Prijedloga zakona o primjeni Rimskog statuta Međunarodnog krivičnog suda i saradnji s Međunarodnim krivičnim sudom.

Ad.9. Prijedlog zakona o izmjenama i dopunama Zakona o Sudu BiH, predlagač: Vijeće ministara BiH (usklađenost sa Ustavom BiH, pravnim sistemom BiH i principi, u skladu sa čl. 103. i 104. Poslovnika Doma)

Komisija je, nakon rasprave, sa osam glasova „za“ bez glasova „protiv“ i jednim glasom „suzdržan“, utvrdila da:

- postoji valjan ustavnopravni osnov za donošenje ovog zakona;
- je Prijedlog zakona usklađen sa Ustavom BiH i pravnim sistemom BiH.

Ustavnopravna komisija je, s tri glasa „za“ bez glasova „protiv“ i šest glasova „suzdržan“, podržala principe Prijedloga zakona o izmjenama i dopunama Zakona o Sudu BiH.

Ad.10. Prijedlog zakona o izmjenama i dopunama Zakona o Tužilaštvu BiH, predlagač: Vijeće ministara BiH (usklađenost sa Ustavom BiH, pravnim sistemom BiH i principi, u skladu s čl. 103. i 104. Poslovnika Doma)

Komisija je nakon rasprave, sa osam glasova „za“, bez glasova „protiv“ i jednim „suzdržanim“ glasom, utvrdila:

- postoji valjan ustavnopravni osnov za donošenje ovog zakona;
- je Prijedlog zakona usklađen sa Ustavom BiH i pravnim sistemom BiH.

Ustavnopravna komisija je, s četiri glasa „za“, bez glasova „protiv“ i pet „suzdržanih“ glasova, podržala principe Prijedloga zakona o izmjenama i dopunama Zakona o Tužilaštvu BiH.

Ad.11. Prijedlog zakona o izmjenama i dopunama Zakona o imunitetu BiH, predlagač: Vijeće ministara BiH (postupak u nadležnoj komisiji u skladu sa članom 110. Poslovnika Doma)

Komisija je nakon rasprave jednoglasno:

- prihvatila tekst Prijedloga zakona o izmjenama i dopunama Zakona o imunitetu BiH i predlaže Predstavničkom domu njegovo usvajanje;
- odlučila da se za izvjestioca, u plenarnoj fazi, u skladu s članom 113. Poslovnika Predstavničkog doma Parlamentarne skupštine BiH, imenuje predsjedavajući Komisije Šefik Džaferović.

Ad.12. Prijedlog zakona o izmjenama i dopunama Zakona o slobodi pristupa informacijama, predlagači: poslanici Sefer Halilović, Vinko Zorić, Mirko Okolić, Šemsudin Mehmedović, Denis Bećirović, Velimir Jukić i Adem Huskić (postupak u nadležnoj komisiji u skladu s članom 110. Poslovnika Doma)

Komisija je nakon rasprave, sa osam glasova „za“, bez glasova „protiv“ i jednim „suzdržanim“, glasom:

- prihvatila tekst Prijedloga zakona o izmjenama i dopunama Zakona o slobodi pristupa informacijama i predlaže Predstavničkom domu njegovo usvajanje;
- odlučila da se za izvjestioca, u plenarnoj fazi, u skladu s članom 113. Poslovnika Predstavničkog doma Parlamentarne skupštine BiH, imenuje predsjedavajući Komisije Šefik Džaferović.

Ad.13. Ostala pitanja:

- **Zahtjev Ustavnog suda BiH za ocjenom ustavnosti Zakona o zaštiti domaće proizvodnje u okviru Sporazuma CEFTA, broj U-5/09, od 17. 7. 2009. (razmatranje zahtjeva u skladu s članom 41. stav (1) tačka g) Poslovnika Doma)**

Predsjedavajući je otvorio raspravu u kojoj su učestvovali Šefik Džaferović i Momčilo Novaković.

Komisija je u toku rasprave konstatirala da je Parlamentarna skupština BiH usvojila Zakon o zaštiti domaće proizvodnje u okviru Sporazuma CEFTA na 46. sjednici Predstavničkog doma, održanoj 18.2.2009., odnosno na 31. sjednici Doma naroda, održanoj 18.6.2009.

U raspravi je također konstatirano da je zakon istog ili sličnog sadržaja, isti predlagač, prije usvajanja predmetnog zakona, u nekoliko navrata upućivao u parlamentarnu proceduru, te da nije usvajan.

Nakon rasprave Ustavnopravna komisija Predstavničkog doma Parlamentarne skupštine BiH nije mogla postići jedinstven ili većinski stav u vezi sa zahtjevom za ocjenom ustavnosti Zakona o zaštiti domaće proizvodnje u okviru Sporazuma CEFTA.

S obzirom da nije bilo više pitanja, sjednica je završena u 12,30 sati.

SEKRETAR KOMISIJE
Igor Bajić

PREDSJEDAVALAČI KOMISIJE
Šefik Džaferović